

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

ბრძანება N 01-02/271

ქ. ბათუმი

21 ნოემბერი, 2022 წ

2022-2023 სასწავლო წლის გაზაფხულის სემესტრისთვის „ერაზმუს+“ გაცვლითი პროგრამის ფარგლებში ევროპის უნივერსიტეტებში საერთაშორისო მობილობის მონაწილე ბსუ-ს საგანმანათლებლო პროგრამების სტუდენტთა გამოსავლენად კონკურსის გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, „საერთაშორისო გაცვლითი პროგრამების ადმინისტრირების წესის დამტკიცების შესახებ“ ბსუ-ს აკადემიური საბჭოს 2019 წლის 14 აგვისტოს №01-06/89 დადგენილების, „ERASMUS + საგრანტო პროექტის და ბსუ-ს სტრატეგიული განვითარებისა და საგარეო ურთიერთობათა დეპარტამენტის უფროსის გიორგი თავამაიშვილის 2022 წლის 21 ნოემბრის MES 4 22 0001487104 სამსახურებრივი ბარათის საფუძველზე

ვბრძანებ:

1. 2022-2023 სასწავლო წლის გაზაფხულის სემესტრისთვის „ერაზმუს+“ გაცვლითი პროგრამის ფარგლებში ევროპის უნივერსიტეტში (ვროცლავის უნივერსიტეტი-პოლონეთი; მუგლას უნივერსიტეტი-თურქეთი) საერთაშორისო მობილობის მონაწილე პოლიტიკური მეცნიერებების და საერთაშორისო ურთიერთობების, ეკონომიკის, მენეჯმენტის და ადმინისტრირების (საერთაშორისო ვაჭრობა და ფინანსები), ლიტერატურა და ლინგვისტიკის, ინჟინერიისა და ტურიზმის ბსუ-ს ბაკალავრიატის და მაგისტრატურის საფეხურის სტუდენტთა გამოსავლენად გამოცხადდეს კონკურსი და განისაზღვროს შემდეგი ვადები და კრიტერიუმები:

ა) საბუთების ატვირთვა ელექტრონულ ბმულზე: <http://registration.bsu.ge> და სტუდენტურ პორტალზე 2022 წლის 21 – 28 ნოემბერი 18:00 საათამდე (რექტორის სახელზე წარმოდგენილ განცხადებაში უნდა მიუთითოს ელ. ფოსტა და ტელეფონი) სტუდენტებისთვის, რომლებმაც უნდა გაიარონ ტესტირება უცხო ენაში (ინგლისური), სავალდებულოა განცხადებაში აღნიშნულის შესახებ მითითება;

ბ) საბუთების შემოწმება და შეფასება - 2022 წლის 29 ნოემბერი; (საბუთების შემოწმებასა და შეფასებას დადგენილი კრიტერიუმების მიხედვით უზრუნველყოფს სტრატეგიული განვითარებისა და საგარეო ურთიერთობათა დეპარტამენტი);

გ) ტესტირება/გამოცდა ინგლისურ ენაში (B2) - 2022 წლის 30 ნოემბერი;

დ) გასაუბრება კომისიასთან - 2022 წლის 1 დეკემბერი, 15:00 საათი;

ე) საბუთების გადაგზავნა მიმღებ უნივერსიტეტებში - 2022 წლის 5 დეკემბერი.

2. დამტკიცდეს წინამდებარე ბრძანებით გამოცხადებული ვროცლავისა და მუგლას უნივერსიტეტში კონკურსის ჩატარების მიზნით საკონკურსო კომისიის შემადგენლობა:

- ა) მერაბ ხალვაში - თავმჯდომარე, რექტორი;
- ბ) ანზორ ბერიძე - თავმჯდომარის მოადგილე, რექტორის მოადგილე;
- გ) თამარ სირაძე - რექტორის მოადგილე;
- დ) ვლადიმერ ლლონტი - ხარისხის უზრუნველყოფის სამსახურის უფროსი;
- ე) გიორგი თავამაიშვილი - სტრატეგიული განვითარებისა და საგარეო ურთიერთობათა დეპარტამენტის უფროსი;
- ვ) ნანა ყურშუბაძე - სტრატეგიული განვითარებისა და საგარეო ურთიერთობათა დეპარტამენტის უფროსის მოადგილე, ბსუ-ს ერაზმუს+ კოორდინატორი;
- ზ) მარინა ქორიძე - საბუნებისმეტყველო მეცნიერებათა და ჯანდაცვის ფაკულტეტის დეკანის მ/შ;
- თ) ნათელა წიკლაშვილი - ეკონომიკისა და ბიზნესის ფაკულტეტის დეკანი;
- ი) ლელა თუმანიძე - ზუსტ მეცნიერებათა და განათლების ფაკულტეტის დეკანი;
- კ) გაიოზ ფარცხალაძე - ტექნოლოგიური ფაკულტეტის დეკანი;
- ლ) მარინე გიორგაძე - ჰუმანიტარულ მეცნიერებათა ფაკულტეტის დეკანის მ/შ;
- მ) ლევან ჯაყელი - იურიდიული და სოციალურ მეცნიერებათა ფაკულტეტის დეკანი;
- ნ) ირაკლი კორძაია - ტურიზმის ფაკულტეტის დეკანი.

3. კონკურსის წესით შერჩევა განხორციელდეს ბსუ-ს აკადემიური საბჭოს 2019 წლის 14 აგვისტოს N06-01/89 დადგენილებით დამტკიცებული „საერთაშორისო გაცვლითი პროგრამების ადმინისტრირების წესით“ და წინამდებარე ბრძანების შესაბამისად.
4. ბრძანება გამოქვეყნდეს ბსუ-ს ვებგვერდზე.
5. წინამდებარე ბრძანებით გამოცხადებული კონკურსის შესახებ განცხადების ტექსტი მომზადდეს სტრატეგიული განვითარებისა და საგარეო ურთიერთობათა დეპარტამენტის მიერ და გაეგზავნოს საინფორმაციო ტექნოლოგიების სამსახურს - ბსუ-ს ვებგვერდზე განთავსებისათვის, ხოლო სასწავლო პროცესის დეპარტამენტს - ბსუ-ს პორტალზე განთავსებისათვის.
6. ბრძანება სახელმძღვანელოდ და აღსასრულებლად დაეგზავნოს რექტორის აპარატს, ადმინისტრაციის ხელმძღვანელს, რექტორის მოადგილეებს, ხარისხის უზრუნველყოფის სამსახურს, შესაბამის ფაკულტეტებს, სასწავლო პროცესის დეპარტამენტს, სტრატეგიული განვითარებისა და საგარეო ურთიერთობათა დეპარტამენტს, საინფორმაციო ტექნოლოგიების სამსახურს და კომისიის წევრებს.
7. ბრძანება ძალაშია ხელმოწერისთანავე.
8. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (მის: ქ. ბათუმი, ს. ზუბალაშვილის ქN30).

რექტორი, პროფესორი



მერაბ ხალვაში